l' armada, date in galia, a presso Civita Vechia, a dì 16 septembrio, vidi letere. Come, partito a di 13 da Piombino, eri, a hore 20, arivò lì, dove ha spazato a Roma uno messo, per intender quello ha fato il suo commesso zercha biscoto, e uno altro a Corneto, dove l'orator li scrive sarà biscoto. È stà scrito per quel comissario al papa quid agendum. L'altro eri mandò do galie, zoè Faliera e Cornera, a veder certa quara, in itinere, venendo da Piombin, et, hessendo de i nimici, de intrometerla e remurchiarla. El Biassa, galia pontificia, era più drieto, andò avanti, trovò era una barzeta biscaina, con zercha 70 balle, tra panni, telle e altre merze de' bazarioti de Lenguadocha, subditi de' francesi; e, soprazonte le do galie, el dito non volse si acostasse, con parole brute, che volcano quelle robe per lhoro, nè dar parte alcuna a la nostra armata. Scrive. soportò che a presso Zenoa, di uno francese, l'have 300 ducati contadi, et una cadinella e alcuni veluti: item robe, tolsero sopra una nave; unde horra fe' cargar le robe di la nave su le galie, e scrito al papa ordeni. Item, le galie candiote l'altro zorno eridono el disarmar etc.

216 A dì 28 setembrio. In colegio. Fonno lete primo letere di Bologna:

Di la corte, di l'orator nostro, date in Bologna, a di 23, hore do di note. Come il papa eri intrò in Bologna, con le cerimonie, im pontifichal; et poi chiamò l' orator nostro. Era il cardinal Pavia, legato, il ducha di Urbin e Vigo di Campo San Piero. Et erano letere zercha Verona, come l'impresa era dificile. Tamen Vigo disse, il nostro campo era ritrato a San Bonifazio; e che 'l gran maistro, con 300 lanze, era venuto a Peschiera. Unde il papa solicitò il tuor dil ditto marchese di Mantoa, e mandar zente a queste bande su el Polesene, e cavali lizieri sora le rive di Po, e si strenzi Ferrara, e con la nostra armata im Po; la qual non si sentiva dove la fusse. E soa santità disse a l'orator nostro. Il marchexe non va a bon camin, ma si fazi che una volta el lassi la maschera, perchè 'l mete tante dificultà; e con colora parlò a Vigo, si 'l marchese non si acordava, manderia a Venecia suo fiol. E cussì iterum questa matina chiamò esso orator; e li disse, aver dito a Vigo, el vadi a Venecia a concluder, et non habbi rispeto a esser contra l'imperador, ma che 'l sarà contra Franza e contra Ferara, e non con la persona contra Verona, per non andar contra l'imperio. El qual marchese voria esser conduto dal papa, acciò l'imperador nol privi dil pheudo di Mantoa. Il papa disse, el feva gran spese; e vol tuor

Renier di la Saxeta e il marchese Galeoto Malaspina. è con fiorentini. Item, l'impresa di Ferara, li vede dificultà; perhò bisogna con armata far, perchè, non si otenendo, dita impresa sarà a mal termine. Et soa santità li disse, che uno zenthilomo di la raina di Franza veniva per parlarli di acordo. Disse: Nol vojo aldir; e si messe la man al pecto, e zurò non lo aldiria, noma quando parerà a vuj. Et che quelli di Modena si dolevano aver poche zente; manda li Marco Antonio Colona e il conte di Matelicha. Il campo suo è a San Zuane dil Final di Modena. Item, esso orator serisse da Ymola, di ordine dil papa, una letera al marchese, de 21, la qual manda la copia inclusa, exortandolo si voglij expedir a la resolution con la Signoria nostra.

Dil dito orator, di 24, ivi. Come in quella matina l'orator cesareo fo col papa, et fatoli lezer letere di 19, dil signor Constantin, di Brixenon. Come domino Paulo Lechtistener era andato dal re, a Yspurch, licet soa majestà sia andato più in là ; et è contento l'imperador predito, che esso signor Constantim vadi a la corte, e li parli come orator dil papa. Unde soa santità li à fato uno breve al dito imperador, e dirli, la Signoria manderà orator a sua majestà, si quella vorà aldirlo et mandarli salvo conduto; dicendo, versso dito orator cesareo: L'imperador aria torto a non voler aldir l' orator veneto. Et poi soa santità parlò a esso orator nostro, dicendo questo; e che l' orator cesareo, domino Vito, havia 216 bona intention a lo acordo. Poi replichò dil marchese di Mantoa; e come il cardinal, suo fratello, era li a Bologna, andava a Mantoa. El qual vol uno capitolo da la Signoria, che, hessendo molestato, vol restar a Mantoa, a custodia dil suo stato; et li à scrito, vol venir dal papa a Bologna; ma nol crede vegnirà. Item serive, Marco Antonio Colona è andato a Modena, e il cardinal Pavia; e quelli voleano 100 homeni d'arme, 200 cavali lizieri et 2000 fanti, nè si contentano dil governo di Pavia, perchè è tutto francese. tamen sta su el suo credito col papa. Item ha, a Ferara si fortificha e se ingrossa di zente; et sono ussite le zente fuora, adeo 15 mia lontan di Bologna più non si pol andar seguri, che li diti scorsizano. Il papa fa provision di parole. El cardinal Nantes solicita col papa lo acordo con il re di Franza: e cussì fa el cardinal Pavia. Bologna è mal contenta dil governo de ecclesiastici; sì che di l'impresa di Ferara esso oralor si dubita. Il campo dil papa parte è risolto. Item, la bolla di la scomunicha contra il gran maistro e Milan è expedita, ma non publichata.